

Održan sastanak sa Sida-om u okviru DELEF projekta

24.03.2026 11:11



Dana 23.03.2026. godine, u prostorijama Federalne uprave za geodetske i imovinsko-pravne poslove u Sarajevu održan je godišnji sastanak s predstavnicima Sida-e u okviru realizacije DELEF projekta.

Sastanku su prisustvovali Birgitta Jansson, rukovoditeljica razvojne saradnje, i Nedim Bukvić, Programme Officer, ispred Sida-e / Ambasade Švedske u Bosni i Hercegovini. Ispred Federalne uprave za geodetske i imovinsko-pravne poslove sastanku je prisustvovao Denis Tabučić, pomoćnik direktora FGU, dok je ispred Republičke uprave za geodetske i imovinsko-pravne poslove Republike Srpske prisustvovao Jasenko Nedinić, pomoćnik direktora. Delegaciju Lantmäterieta, švedske agencije za kartografiju, katastar i zemljišnu registraciju, činili su Jenny Svennewall, projektna menadžerica DELEF projekta, te Dennis Lindén, predstavnik Lantmäterieta.

Tokom sastanka razmatrani su ostvareni rezultati projekta u 2025. godini, s posebnim osvrtom na aktivnosti realizirane kroz saradnju partnerskih institucija, kao i na doprinos projekta jačanju kapaciteta u oblasti zemljišne administracije i geoprostornih podataka. Učesnici su također razgovarali o prioritetima i planovima za 2026. godinu, uključujući potrebu za pažljivim planiranjem narednih aktivnosti u okolnostima mogućeg smanjenja raspoloživih finansijskih sredstava.

Naglašena je važnost očuvanja kontinuiteta projektnih rezultata, daljnjeg jačanja institucionalne saradnje, kao i usmjeravanja raspoloživih resursa ka aktivnostima od najvećeg značaja za unapređenje zemljišne administracije u Bosni i Hercegovini. Sastanak je protekao u konstruktivnoj atmosferi, uz potvrdu zajedničke opredijeljenosti svih partnera za nastavak saradnje i daljnju realizaciju projektnih aktivnosti u okviru DELEF projekta.